



Inatsisartunut ilaasortaq
Hans Enoksen, Siumut
/MAANI

Royal Greenland A/S-imi tunuarnersiutit pillugit § 37 naapertorlugu apeqqummut akissuteqaat

29. mar 2011
Sagsnr. 2011-047822
Dok. Nr. 596765

Inatsisartut suleriaasianni § 37 naapertorlugu Naalakkersuisunut apeqquteqaat una saqqummiuppat:

Postboks 269
3900 Nuuk

Tlf. (+299) 34 50 00
Fax (+299) 32 47 04

E-mail: apnn@nanoq.gl www.nanoq.gl

”Aalisarnermut piniarnermut nunalerinermullu Naalakkersuisoq Inatsisartuni oqallinnermi oqaatigaa Royal Greenland-imi pisortat tunuartut Keld Askær aamma Henrik Leth pisortatut tunuarnersiutaat Naalakkersuisuusimasut kingullit akuerisaannik angissusilerlugit tunineqarsimasut tamanna ilumoornersoq paaserusuppara.

Naalakkersuisuusimasut aalajangiinerminni tunngaviit, aammalu ataatsimiinnermi ullormi sumi aalajangerneqarsimanersut, kiisalu aalajangiinermi imaqarniliat ilanngullugit nassuiarneqassasut kissaatigaara.

Apeqqutikka ersarissumik akineqarnissaat kissaatigaara, tassami Aalisarnermut piniarnermut nunalerinermullu Naalakkersuisup ataasiani eqqunngitsumik inuiannut saqqummiussisarnera ilumoornersoq uppersararneqartariaqarpoq. Tassalu tunuarnersiutit kiap akuerisimanerai ersarissumik Naalakkersuisut siulittaasuata uppersarsaassagaa kissaatigaara.”

Akissuteqaat:

Ingerlaannartumik oqallinneq pillugu saqqummiineq qulaani allassimasoq akertilissavara, kiisalu oqallinnermi oqaatigisimagiga pisortat tunuartut marluk tunuarnersiutaat Naalakkersuisuusimasut akuerisimagaat.

Taamatut oqarneq tunngavissaqanngilluinnarpoq, tassami oqallinnermi ima oqarama:

“Uani oqallinnermi oqaatigineqartut ilagivaat Royal Greenlandimut piumasaqaatitaqanngitsumik 500 mill. kr.-inik Inatsisartut akuersissuteqartut. Erseqqissaatigilaassavara piumasaqaateqartoqarmat annertuunik naleqqussarnissamik aammalu aningaasartuutikillisaanissamik iluanaaruteqarnerulernissamillu piumasaqaatit ilaatigut ilaqarput aammalu ilaqarlutik siusinnerusukkut naalakkersuisuusarsimasut akornusertarsimangisaat tassa pisortasimasut qanorluunnit ajortigisumik atugaqartitsillutik tunuaraluallaraangata 15 mill.-ikkaanik ajunngitsorsisarnerat taanna naalakkersuisut piumasaqarneratigut qimanneqarpoq aammalu allarpassuarnik taaguisoqarsinnaagaluarpoq.”

Taamaattumik oqallinnermi oqaaseqaatika naalackersuisuusarsimasunik isornartor-siuvinerupput, tassami pisortasarsimasut arlaqartut tunuartut annertuunik tunuarner-siutitik akilerneqartarneri pinngitsoortinniarlugit iliuuseqartarsimangimmata, naak pisortasarsimasut tunuartut pisortatut sulinerminni ajunngitsuinnarmik angusaqartarsi-mangikkaluit.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalackersuisoq